

Was merr su babbeld

Honnes?

Ja?

Wo issens Trittsche?

Die zweistufige Trittleiter?

Ja, ess Trittsche.

Ei wo's immer iss, im kloone Stibbsche.

Doo isses nitt.

Donn waaß isch nitt wo's iss.

Dess stieht immer im Stibbsche.

Awwer heit nitt, odder?

Naa. Wo isses? Du hosts deletzd gehabbd.

Isch?

Ja, du.

Woferr hadden isch dess gebraucht?

Iwwerleesch emol.

Isch waaßes nimmi.

Awwer isch waaßes.

Unn ferr was habb ischs gebraucht?

Du host im Bischerregal ebbes gesucht.

Ah ja, e Buch iwwer die Wildnis.

Iwwer die Wildnis?

Ja. ‚Überleben in der Wildnis‘ heeßt dess Buch.

Hosdes gefunne?

Im Bischerregal nitt.

Awwer du suchst nimmi denooch?

Naa, isch habs joo aach gefunne

Unn wo hosdes gefunne?

Uffem Speicher uff dem alde Kleiderschronk.

In dem Karton mett Bischer uffem Schronk?

Doodroi habb ischs gefunne.

Wie bissden droo kumme onn den Karton?

Ei meddem Trittsche.

Also stiehts jetz noch uffem Speicher?

Ja, isch glaab schunn.

Unn isch suchs iwwerall.

Isch holl derrs erunner.

Awwer langsam.

Was iss?

Willsde widder uff Tour nooch Norweesche?

Naa.

Was willsde donn lese in dem Buch?

Ei iwwer die Eskimos unn su.

Also iwwer die Inuit. Was willsden mett dene?

Och, merr kann vunn dene vill lerne.

Honne472

Unn was?

Ei Fraa, all redde se iwwers Klima unn dass die gons Welt gons schee warm werrn deet. Awwer gugg nooch Bayern mett dem ville Schnee. Vielleicht duts aach e Eiszeit gewwe unn doo isses gut wenn merr waaß, wie enn Iglu gebaut werrd.

Eiern Honnes